



Adresa: Ul. Hamdije Čemerlića 39  
71000 Sarajevo  
<http://www.voda.ba>

tel. +387 33 726 422;  
fax. +387 33 726 414  
e – mail: [info@voda.ba](mailto:info@voda.ba)

Broj: UP-I/25-3-40-107-8/19

Datum: 09.05.2019. godine.

„Agencija za vodno područje rijeke Save“ Sarajevo rješavajući po zahtjevu pravnog lica „Cargo International“ d.o.o. Sarajevo za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za pripremu i proizvodnju betona sa pratećim sadržajima, lociranog u Dobroševićima, općina Novi Grad, Sarajevo, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06.) i člana 200. stav (1) Zakona o upravnom postupku („Sl. novine Federacije BiH“, broj 2/98 i 49/99), donosi

### **RJEŠENJE** **o vodnoj dozvoli**

1. Pravnom licu „Cargo International“ d.o.o. Sarajevo daje se vodna dozvola za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za proizvodnju betona sa pratećim sadržajima, lociranog u naselju Dobroševići, općina Novi Grad, izgrađenog na zemljištu označenom kao k.č. br.1581/1, K.O. Crnotina.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i pod slijedećim uslovima:
  - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
  - 3.2. Da se u periodu važenja ove vodne dozvole, a u skladu sa detaljnim Dinamičkim planom ulaganja urađenim od strane pravnog lica, a u skladu sa članom 13. stav (6), (7) (8) i (9) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 101/15, 1/16 i 101/18) na terenu realizuju aktivnosti na vanjskom uređenju sistema prikupljanja, tretmana i ispuštanja tehnoloških otpadnih voda i oborinskih onečišćenih voda sa radno-manipulativnih, proizvodnih, skladišnih, administrativnih i drugih površina i to:
    - 3.2.1. Da se na terenu realizuju sve aktivnosti u skladu sa: Glavni projekat prikupljanja i tretmana oborinskih zauljenih voda, oborinskih nezauljenih voda, tehnoloških i fekalnih voda pogona betonare Cargo International izgrađenog u naselju Dobroševići, općina Novi Grad, Sarajevo, urađen od strane „HIGRACON“ d.o.o. Sarajevo, juni 2018. godine. Realizacija projektovanih aktivnosti na terenu će otpočeti u mjesecu maju 2019. godine i sve aktivnostima na terenu će se završiti do septembra 2019. godine. U predviđenom roku realizovati će se: prethodni radovi, zemljani, betonski, montažni i dr. aktivnosti obuhvaćene predmetnim projektom.
  - 3.3. Da se objekti čija je svrha odvođenje i prečišćavanje onečišćenih voda (separator ulja i masti, betonski taložnik, betonski kanali i slivnici, kanalizaciona mreža i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
  - 3.4. Da se redovno vrši monitoring prečišćene otpadne vode iz okana za monitoring shodno članu 11. stav (3) i (6) i članu 5. stav (10) Uredbe o uslovima ispuštanja otpadnih voda

u okoliš i sisteme javne kanalizacije („Sl. novine Federacije BiH“, broj: 101/15, 1/16 i 101/18), te pojedinačne i zbirne godišnje izvještaje dostavi Agenciji u skladu sa članom 11. stav (10) iste Uredbe.

Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).

- 3.6. Ukoliko Vlada Sarajevskog kantona propiše dodatne (strožije) uvjete za ispuštanje otpadnih voda u površinske vode, od uvjeta definisanih u tabeli 1.1. kolona 3. Priloga 1. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“ broj: 101/15, 1/16 i 101/18), podnosilac zahtjeva je u obavezi iste zadovoljiti.
- 3.7. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.8. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
- 3.9. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata, postrojenja i mehanizacije redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
4. Vlasnik odnosno korisnik objekta je obavezan vršiti plaćanje vodnih naknada u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12).
5. U periodu važenja ove dozvole, pravno lice je dužno provoditi sve mjere i aktivnosti propisane istom.
6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. Vlasnik odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Vodna dozvola se daje do 19.12.2023. shodno članu 13. stav (5) Uredbe o uslovima ispuštanja otpadnih voda u okoliš i sisteme javne kanalizacije. Prije isteka ovog roka pravno lice je dužno zatražiti produženje iste. Ova vodna dozvola prestaje da važi u slučaju da se ne ispune uslovi iz tačke: 3.2.1. definisane na osnovu dostavljenog dinamičkog plana aktivnosti na sistemu za prikupljanje, tretman i ispuštanje tehnoloških otpadnih voda.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **O b r a z l o ž e n j e**

Pravno lice „Cargo International“ d.o.o. Sarajevo obratio se ovoj Agenciji dana 07.02.2019. godine sa zahtjevom za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije proizvodnog objekta za pripremu i proizvodnju betona, sa pratećim sadržajima, lociranog u naselju Dobroševići, općina Novi Grad, Sarajevo, izgrađenog na zemljištu označenom kao k.č. br.1581/1, K.O. Crnotina.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

#### Opća dokumentacija:

- Kopija Rješenja o registraciji u sudski registar Općinskog suda u Sarajevu kod subjekta upisa «Cargo internacional» d.o.o. Sarajevo, broj: 065-0-Reg-08-000292 od 18.02.2008. godine, izdatog od strane Općinskog suda u Sarajevu;
- Kopija Rješenja o izmjenama podataka u sudski registar Općinskog suda u Sarajevu broj: 065-0-Reg-14-000349 od 19.02.2014. godine;
- Kopija Uvjerenja o poreznoj registraciji, od 27.11.2002. godine, izdatog od strane Porezne uprave– Kantonalni ured Sarajevo;
- Kopija Uvjerenja o registraciji/upisu u Jedinstveni registar obveznika indirektnih poreza, upisan je «Cargo internacional» d.o.o. Sarajevo broj: 04/1-UPP/1-14096/07 od 06.09.2007. godine, izdatog od strane Uprave za indirektno-neizravno oporezivanje Banja Luka;
- Kopija Rješenja o urbanističkoj saglasnosti broj: UP-I/02-2-23-56/00 od 27.10.2000. godine, donesenog od strane Federalnog ministarstva prostornog uređenja i okoliša;
- Kopija rješenja o odobrenju za građenje betonske baze sa pratećim sadržajima, donesenog od strane Federalnog ministarstva prostornog uređenja i okolice, broj: UP-I/02/2-23-2-9/01 od 09.04.2001. godine;
- Kopija Rješenja o vodnoj dozvoli broj: UP-I/25-3-40-029-4/15 od 23.05.2019. godine; donesenog od strane Agencije za vodno područje rijeke Save;
- Kopija Rješenja o odobrenju za upotrebu objekta donesenog od strane Federalnog ministarstva prostornog uređenja, broj: UPI/03-4-23-2-83/06 od 07.02.2007. godine;
- Dokaz o uplaćenju upravnoj i administrativnoj taksi na zahtjev.

#### Tehnička dokumentacija:

- Glavni projekat prikupljanja i tretmana oborinskih zauljenih voda, oborinskih nezauljenih voda, tehnoloških i fekalnih voda pogona betonare Cargo International izgrađenog u naselju Dobroševići, općina Novi Grad, Sarajevo, urađen od strane „HIGRACON“ d.o.o. Sarajevo, juni 2018. godine.
- Izvještaj o monitoringu kvaliteta i kvantiteta otpadnih voda pogona betonare „Cargo International“ d.o.o. Sarajevo urađen od strane „Inspekt RGH“ d.o.o. Sarajevo pod brojem 600/18, maj 2018. godine, u Sarajevu.
- Kopija Ugovora zaključen između ugovornih strana: Br. 379/19-DS, kojeg su predmet radovi na čišćenju separatora i septičkih jama i odvozu otpadnog mulja i taloga (tretman otpadnih voda) iz separatora sa lokacije Naručioća; zaključen sa „DELTA PETROL“ d.o.o. Kakanj dana 06.03.2019. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15), izvršen je obilazak poslovnog objekta i tom prilikom je sačinjen Zapisnik o uviđaju broj: UP-I/25-3-40-107-4/19 od 18.03.2019. godine.

Na osnovu dostavljene dokumentacije i izvršenog uviđaja na terenu utvrđeno je sljedeće:

U skladu sa zahtjevima iz Rješenja o vodnoj dozvoli, broj: UP-I/25-3-40-029-4/15 od 23.03.2015. godine pravno lice je bilo u obavezi da realizuje aktivnosti iz tački 3.2. i 3.3. koje se odnose na izgradnju, rekonstrukciju i sanaciju sistema za prikupljanje, transport, tretman i ispuštanje tehnoloških otpadnih voda sa lokacije proizvodnog objekta za pripremu i proizvodnju betona, sa pratećim sadržajima lociranog u naselju Dobroševići, općina Novi Grad, Sarajevo, izgrađenog na zemljištu označenom kao k.č. br.1581/1, K.O. Crnotina.

Pravno lice je bilo u obavezi da ispuni uslov iz tačke 3.10. koje se odnosi na pribavljanje Rješenja o okolinskoj dozvoli.

Pravno lice nije postupilo po zahtjevima tj. na terenu nije izvršilo izgradnju, rekonstrukciju i sanaciju projektovanih objekata.

Pravno lice „Cargo International“ d.o.o. Sarajevo je dostavio detaljni dinamički plan ulaganja na terenu urađen u skladu sa članom 13. stav (6), (7) (8) i (9) Uredbe o uslovima ispuštanja otpadnih voda u okoliš i sisteme javne kanalizacije sa rokovima u kojima će realizirati pojedine aktivnosti na terenu, odnosno da će sa realizacijom na terenu otpočeti u mjesecu maju 2019. godine i da će sve aktivnosti okončati do septembra 2019. godine.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama Zakona o vodama, Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva „Cargo International“ d.o.o. Sarajevo ispunio minimum uslova za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije proizvodnog objekta za pripremu i proizvodnju betona, sa pratećim sadržajima, lociranog u naselju Dobroševići, Novi Grad, Sarajevo izgrađenog na zemljištu označenom kao k.č. br.1581/1, K.O. Crnotina, te je riješeno kao u dispozitivu ovog Rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).

### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Meho Čaušević, B.Sc.ing.građ

Prilog: Glavni projekat prikupljanja i tretmana oborinskih zauljenih voda, oborinskih nezauljenih voda, tehnoloških i fekalnih voda pogona betonare Cargo International izgrađenog u naselju Dobroševići, općina Novi Grad, Sarajevo, urađen od strane „HIGRACON“ d.o.o. Sarajevo, juni 2018. godine.

Po ovlaštenju  
Rukovodilac sektora za izdavanje vodnih akata



Haris Ališehović, dipl. inž. građ.

Dostaviti:

- "Cargo International" d.o.o. Sarajevo Ul. Dobroševići 12-14, 71000 Sarajevo, (sa prilogom),
- AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava